

Dilinz Yen dwg aen yienh gyawj guek rog ndeu. Ngoenzneix, yienh yaxmonz caemrwdrd, gyoengqvunz ngaemgyaeuj mbouj gangjavah. Yenling youq ndaw ding yaxmonz song fwngz camca youq laeng, byaij bae byaij dauq, gvaq yaep ndeu, cij cangznaek dwk doiq gyoengqvunz naeuz: “Sou youq banhaet ndwn daengz banringz-gvaq le, nanzdauh couh mbouj miz saek di banhfab? Couh lij lw sam ngoenz la, sam ngoenz la!”

Seizneix bouxbingdaez yaxmonz gvih roengz gwnz namh bae daejnganga naeuz: “Caqwh dou rox dwg bouxsien roxnaeuz dwg duzfangz, dou buek diuz mingh neix hix mbouj lau dai, hoeng seizneix dauqdaej dwg bouxsien dwg duzfangz guh, raeuz mbouj rox……” Yenling naj hau lumj ceij, nam dwk naeuz: “Vuengzdaeq gaeng roengz swngcij daeuj, ngoenz gingdenj yawj mbouj raen gij bauj de, raeuz bouxboux gyaeuj doek!” Gwnz ding gyoengqvunz dingq le luenh-nyagnyag, sing ienq sing daej mbouj dingz mbouj duenh. Yenling cangz mbat naek ndeu, simcieg dwk naeuz: “Suenq lo, suenq lo, gou rox sou caenhrengz gvaq lo, sou dauqbae ranz guh hong ba, aen anq neix gou daeuj dingj, caj bingz ywdoeg roengz hoz bae, gienh saeh neix couh sat lo.” Gangj neix yenling daj ndaw genbuh mbon ok bingz ywdoeg ndeu, cingq yaek ndingq roengz bak bae.

Mboujliuh seizneix cung ok boux doegsaw ndeu, heuh naeuz: “Yenling, gaej guh yienghneix, aeu buqanq, mbouj dwg mbouj miz banhfab!” Vah neix baez ok, gwnz ding youh caem roengzdaej le, Yenling baez ngawh, naeuz: “Veiz Cungh, neix dwg saeh hung, mbouj ndaej gangj riu bw! Mwnz youh baenzlawz rox aen anq neix buq ndaej!”

Yenzlaiz boux doegsaw neix heuhguh Veiz Cungh. Veiz Cungh



youh naeuz: “Ciuzdingz gvidingh, bouxlawz mbouj miz guenvih mbouj ndaej camgya duenq anq, gou cij dwg boux bae gingsingz ganj gauj deng doek buengj ndeu, dauq ranz loh gvaq gizneix, gyo yenling mwnz gyaenz maij, hawj gou ce youq ndaw yaxmonz duenh seizgan ndeu. Geij ngoenz gonq ok gij saeh neix le, bouxniemhsei heuh gou bae dieg anq fat bang de. Gou fatyienh, gizhaenx miz haujai riz. Geij ngoenz neix daeuj gou siengj hwnj siengj roengz, cingjeix ndaej di lohnaemj lo. Seizneix yenling mwnz gag nyinh buq mbouj ndaej anq, mboujyawx dingq gou gangjgangj le caiq guh gietdingh.”

“Nanzdauh mwnz miz banhfab?” Yenling muengz cam. Veiz Cungh naeuz: “Saeh neix naeuz geizheih ma, gizsaed siengj daeuj hix mbouj suenq, raeuz bae nyuenzdieg menh yawj menh gangj!” Yenling baez dingq sim siengj: Gou hawj boux doegsaw neix ce youq ndaw yaxmonz, de gyo’ mbaiq gou, mbouj rox haih gou. Caiq gangj de mbouj miz di gaengawq, mbouj gamj luenh gangjavah. Baenzneix, yenling couh daiq gyoengq bing riengz Veiz Cungh doengz bae daengz nyuenzdieg.

Yenzlaiz, yenling gangj gij anq vuengzdaeq roengz swngcij aeu caz, couhwdg gij huq Senhlozgoz gung hawj Vuengzdaeq deng caeg. Seizde

cingq dwg Mingzcauz vuengzdaeq senj Baekging guh guekduh moq, vuengzdaeq aeu banh aen gingdenj ndeu, iucingj guek henz daeuj camgya, couh baij sijdonz daiq gag dieg gij heiqduenz haemq mizmingz bae guek henz biujyenj, vih yienh’ok Mingz-cauz gueklig maenh’ak, beksingq youq onj gaenx guh. Gyoengq guek de dingqnyei Mingzcauz vuengzdaeq aeu banh gingdenj, faenfaen baij vunz soengq huqgung hawj. Senhlozgoz dwg aen guek daih’it baij vunz soengq huqgung daeuj, byawz rox huqgung ngamq haeuj Mingzcauz camh daih—Dilinz Yen, couh deng caeg bae lo, gyoengqvunz soengq huqgung dingzlai deng gaj, cij miz geij boux vunz ndaej buet deuz.

Vuengzdaeq dingqnyei gienh saeh neix, hozhwnj dangqmaz, roengz swngcij aeu Dilinz Yen buq aen anq neix, hanh youq gingdenj ngoenzde gaxgonq ra huqgung dauq, mboujnex gyoengqvunz yaxmonz bouxboux cungj miz coih. Gij eiqsei vuengzdaeq caiq mingzbej mbouj gvaq lo, couhwdg aen anq neix mbouj doq buq ndaej, bouxboux deng gaj caez. Yenling coux ndaej swngcij, gaenjgip dangqmaz, sikhaek ciucomz gyoengqvunz ndaw yaxmonz caz gienh anq neix. Hoeng, buenq ndwen gvaqbae, vanzlij caengz ra ndaej saek di riz. Yawj ngoenz gingdenj yied daeuj yied gyawj lo,

yenling roxnyinh caiq caz mbouj ok le, couh deng gaj lo. Fouznaih lai, de couh siengj gaggaj.

Yenling seizneix dingqnyei Veiz Cungh gangj buqanq miz riz, couh daiq vunz riengz laeng Veiz Cungh bae nyuenzdieg yawjyawj.

Nyuenzdieg dwg aen canghaeux gaeuq ndeu, gaxgonq gyoengq bing dawz henzguek aeu aen canghaeux neix daenz haeux. Canghaeux miz song caengz, gvangq dangqmaz, caengz daih’it seiq mienh aeu hoi daz gvaq, cungj lumj aeu ceij hau nem nei. Gaxgonq caengz daih’it youq vunz, caengz daihngaih daenz haeux. Seizneix gaengq mbouj daenz haeux lo, hoeng lij seiz mbouj seiz guh diegyouq gyoengqvunz baedauq. Aenvih huqgung youq gizneix deng caeg, seizneix gizneix miz bing dawz.

Daeuj daengz canghaeux, Veiz Cungh daiq yenling yawj moix aen conghcueng, yienzhaeuh naeuz: “Yenling, mwnz mbouj roxnyinh aen canghaeux neix seiq mienh conghcueng miz di giuj ma?” Yenling cam: “Miz maz giuj?” Veiz Cungh vix aen cueng ndeu naeuz: “Mwnz yawj, aen cueng neix miz aen congh ndeu, gaemxgienz hung, caemhcai q seiq mienh cueng cungj miz aen congh yienghneix.” “Neix miz maz geizheih?” Yenling miz di moengjdoengj. Veiz Cungh youq henz cueng gip hwnj mbaw baengz ndeu, doq ndenq hawj yenling doq naeuz: “Yenling mwnz yawj, mbaw baengz neix yiengh lumj bouxvunz.” Yenling cam: “Neix youh gangjmingz maz ne?” Veiz Cungh mbouj han, youh youq henz conghcueng gip hwnj aen daengloengz ndeu, cam Yenling: “Mwnz lij geiq ndaej ok saeh le gyoengqvunz sijdonz deuz okdaej haenx baenzlawz gangj gij saeh haemhde?”

(caengz sat)

(baihgwanz swnj 1 banj)

Cinz Vuj iugouz, aeu yungh Siz Ginbingz seizdaih moq yiengh sevei cuji miz Cungguek daegsaek swhsiengj guh ceijyinx, gaenjdaet gaemdawz “song aen doengzcae” hong minzczu cawjdaez, mboujduenh doidoengh hong Sawcuengh Vahcuengh youq lizsij seizgeiz moq yienh’ok daengguh moq, guh’ok gungyen moq, aeu giendingh mbouj bienq doihengz Sawcuengh Vahcuengh, gyagiengz senhconz gvancez 《Fueng’anq Sawcuengh》, cawjdoengh doiqciep anbaiz moq iugouz moq, baujhoh caeuq cienzswnj vwnzva Bouxcuengh. Aeu gya’gvangq diuz roen moq doihengz yungh Sawcuengh Vahcuengh, gyagiengz gohyenz, diuyenz caeuq diucz yenzgiu ndawbiengz yungh vawsaw minzczu, laeb ndei aen dihi biucinj gveihfan Sawcuengh Vahcuengh, doidoengh vwnzva Bouxcuengh hwnghat hoenghvuengh. Aeu gyagiengz lingjdauj, comzgiet rengzdoxgap, laebbaenz laebcaez aen gihgou guhhong saw vah minzczu vunznioix, vih gij saehnieb vawsaw minzczu laebdaeb cangqheiq hwnghat daezhawj rengzrdw baujjang.

Guekgia Minzveij fucujyin Lij Canghbingz daiqbiuj Guekgia Minzveij cukhoh ciuhai aenhoih, maqmuengh Guengsae gak gaep dangjveij, cwnghfuj yungh Siz Ginbingz seizdaih moq yiengh sevei cuji miz Cungguek daegsaek swhsiengj guh dazyinx, gaenjdaet gaemdawz gij moegbiu yinvu hong minzczu guek raeuz, genhciz mbouj soeng guh ndei hengzguh 《Fueng’anq Sawcuengh》, hawj gij saehnieb Sawcuengh Vahcuengh youq mwh fugsach cunghsim guhhong fatok cozyung gaenxmaenx.

Aenhoih byaujjangh le buek senhcin cizdij caeuq bouxvunz hong vawsaw minzczu vunznioix biujyienh yienhda he, fathawj Namzningz Si Gyauyuzgiz daengj 17 aen danhvei “aen cizdij senhcin guhhong vawsaw minzczu vunznioix Guengsae Bouxcuengh Swcigih” cwnghueh, fathawj Vuj Dunghboh daengj 54 boux “bouxvunz senhcin guhhong vawsaw minzczu vunznioix Guengsae Bouxcuengh Swcigih” cwnghueh.

Swcigih fucujisiz Vangz Veijgingh cujiz aenhoih caemhcai q gangj gij gietdingh byaujjangh.

Swcigih lingjdauj Sunh Daveij,



Raemxdah lae ved fuk veh gyaeundei.

Liengz Sinhvas ingj

Vangz Goj, Yungz Swsingh, Gauh Fungh camgya hai hoih, caemhcai q caez fat ciengj hawj boux daiqbiuj ndaej ciengj. Guekgia mizgven buvej lingjdauj, boux lauxhangz

Sawcuengh Vahcuengh ndaw gih rog gih, bouxfucwz mizgven danhvei hong minzczu daengx gih camgya hai hoih.

(Couh Goh Dungj Vwnzfungh)